

Puong ya hae ya Boemo ba Naha ho Palamente, Mopresidente Cyril Ramaphosa o ile a bontsha matlafatso ya twantsho ya Tlhekefetso ya Basadi le Dipolao tsa bona (GBVF) ha a ne a bolela hore o tshehetsa Boikano ba Banna Naha ka bophara ba ho lwantsha GBVF moo banna kaofela ba ikanang hore ba tla fedisa ditlhekefetso tsena tsa basadi.

HO IKANA HA BANNA BA AFRIKA BORWA BA HO FEDISA TLHEKEFETSO YA BASADI LE DIPOLAO TSA BONA

JWALO KA MONNA, KE IKANA HO DULA KE:

1. Nka basadi kaofela ka ho lekana.
2. Nka mosadi jwalo ka motho, e seng jwalo ka ntho kapa lona leruo.
3. Tshehetsa basadi ka hohlehohle ka moo nka kgonang mme ke bapale karolo ya bohlokwa ho fediseng mokgwa ona o mobe wa peto le ho fedisa ditlotlollo, ditlhekefetso kapa ona morusu kgahlano le basadi.
4. Kgalema banna ba bang ba buang hampe kapa ba itshwarang hampe kgahlano le basadi.
5. Hlompha mosadi ka tsela eo le nna ke lebeleletseng ho hlontjhwa ka yona jwalo ka monna hobane hlomphe, tekatekano le ditokelo tsa botho ke ntho ya bohlokwahlokwa ho Mafrika Borwa ohle.
6. Ba mohlala o motle o rutang bashemane lelapeng laka le setjhabeng sa heso hore ho bontsha maikutlo a bona ha se letshwao la bofokodi, le hore morusu ha se tsela ya ho rarolla mathata le hore hape basadi ba lokelwa ho hlomphe.
7. Tshwara basadi ba bang ka tsela eo nka ratang ha mme wa ka, ausi kapa moradi wa ka a ka tshwarwa ka yona.
8. Tsitlallela tshireletso le paballo ya bana mme ke lwantshe mefuta yohle ya tlhekefetso le merusu.
9. Kgalemela boitshwara bo sa nepahalang ba batho ba baholo le thaka tsa ka kgahlano le bana.

JWALO KA MONNA, KE IKANA HO SE:

1. Phahamisetse mosadi letsoho.
2. Tshose, sokele kapa hona ho nyenyefa mosadi leha e ka ba mmeleng, ka mantswe, maikutlo kapa thobalano kapa hona ho dumella motho e mong ho etsa seo.
3. Ntshetse pele ditlwaelo tse mpe ka basadi kapa hona ho nahanela mosadi hampe ka lebaka la seo a se apereng.
4. Etse hore mosadi a ikutlwe a hlekefetseha ke tsela eo ke mo shebang ka yona, mantswe aka kapa tsona diketso kapa ke etse hore a se phuthulohe ka lebaka la boteng ba ka.
5. Thetse mosadi kapa ho ba le thobalano le yena ntle le tumello ya hae kapa ho mo qobella ho etsa seo a sa se rateng.

6. Dumelle kapa ho thola ke bona mosadi a hlekefetswa.
7. Balehele boikarabelo ba ka jwalo ka ntate, haeba ke na le bana.
8. Sebedise maemo a ka lapeng, mosebetsing le dibakeng tse ding tsa setjhaba ho theola seriti sa basadi le ho se hlomphe tokelo tsa bona.
9. Etse hore ngwana a ikutlwe a sa bolokeha kapa a sa phuthuloha ka lebaka la boteng ba ka, mantswe a ka kapa tsona diketso tsa ka.
10. Thetse ngwana ka tsela e sa amohelhang kapa hona ho itshunyaka dinthong tsa bona.

Saenela boikano mona:
